

re, nimirum comes *Chovalow*, *Lomanosow*, *Kheraskow*, *Soumarakow*, *Platon*, *Vischenski* episcopus pernensis, *Joannes Josiphow*, quorum quidam adhuc vivunt, quidam vita functi sunt. Comes *Stroganow* ab intimis consiliis Imperatoris Russorum, vir nobilitate, scientiis, opibus, virtutibus ornatissimus, præfectus est Academiae scientiarum atque artium Petropolitanæ.

Societas litteraria ante biennium *Varsaviæ* auctoritate regia instituta omnes pene *Poloniæ* doctos viros complectitur. Episcopus *Albertrandi* ejusdem societatis præses scripsit historiam Romanam, opus avidissime acceptum, et inter classica nationis merito relatum. Comes *Czacki* auctor historiæ Legislationis Polonorum perenne suis posteris reliquit monumentum. Princeps *Czartoryski*, Terentius Polonorum, scripsit comædias, quæ ob artis perfectionem, ob vivos characteres, ob styli elegantiam sunt amplissimam existimationem consecutæ. Comes *Ossolinski* sua difficillima Taciti operum translatione admirationis et laudis obtinuit plurimum. *Oszaski* Physicam evulgavit totius nationis judicio probatam. *Hube* Mechanicam pertractavit, ediditque ingenti nationis beneficio. *Dmochowskio* ob traductum *Homerum* summæ laudes tribuuntur. Admirandæ memoriæ et ingenii *Linde*, cujus superius memini, est quoque hujus societatis litterariæ